

A painting of a young shepherd with dark hair and a beard, wearing a yellow tunic and brown trousers. He holds a wooden staff and reaches out his right hand towards a white lamb. The background shows green hills and a blue sky.

Bukwashi Bwa Leza

Myanda ya lungike
Watson Goodman

Gratuit—Ke ku potesha yo

BUKWASHI BWA LEZA

“Bukwashi Bwa Leza” i bishinte bya pokwa mu Mukanda wa Leza. Bintu byonso bya lumbululwa monka mu Mukanda wa Leza.

Myanda ya Leza ya fuma mwiulu i kwasha bantu ba ku saka Iwine kwikala bololoke. Ange muntu wa lapila, wa fuma mu bubi, wa ita Nkambo Yesu Kristu kwikala mu mutima wandi, wa itabila ne mutima wandi onso mwi Nkambo Yesu Mupulushi wandi, sanga Nkambo u ka mu mwekela ne ku mu pela lusekelo ne mutende mu mutima. Ami mwine na itabile mu 1937, ne dino na ki ketekela mwi Nkambo ne ku pwana nandi. Ange ka munge kwitabila, ne mi papatila, mu mu nakile Kristu **LELO, ekale Mupulushi ne Nkambo obe.**

— Watson Goodman (1920-2002)

Roma 5:8

Adi Leza mwine wa mwesha butemwe bwandi kwi atwe, mwa-nda lo twa kidi babi, Kristu wi tu fwidile.

Yoano 3:16

Pantu Leza byo a temenwe ba pano pantanda pakata, wa pene Mwana wandi wa bushe, amba yense wa ku mwitabila kenshi onaike, adi ekale ne mweo wa nyeke.

Yoano 13:1

Lo kidilo kya Pasaka ka kyan-ge, Yesu wa yukile byo nshita yandi ya fika ya ku fuma pano pantanda, ku ya kwi Shandi. Ne

byo a temenwe bantu bandi ba di pano pantanda, wi ba temenwe ku fika ne ku mpelesho.

Yeremiya 31:3

NKAMBO wa m̄wekēle kula-mpe, wa ndakile amba, Kine na ku temwa na butemwe bwa nye-ke: ku lenga na ku fwenya na butemwe.

Bimwesho 1:5

Ne kwi Yesu Kristu, musa-pwishi wa kine, mwine mutanshi ku languka mu bafu, mwine mu-kata wa ku kila balopwe ba pano panshi. Awa mwine wa kwi tu temwa ne kwi tu fungula ku bubi bwetu na mashi andi.

YESU KRISTU I LEZA

Awa Mwanda wa di mu nte-ndekelo. Awa Mwanda wa di ne Leza, kabidi awa Mwanda wa di Leza. . . . Awa Mwanda wa sangwike bu muntu ne kwikala mu bukata bwetu . . . muyulwe bupe ne kine. — Yoano 1:1 ne 14

Yesu wa mu laka amba, Kanshi nansha na banda nenu abi, obe Filipa ku ngukile? Muntu wa īona wa mona ne Tata. I byepi byo u laka amba, Tu lange Shobe? Kenshi wa itabila amba ami ndi mwi Tata ne Tata mwi ami?

— Yoano 14:9, 10

Kino kifiswe kya bwina Leza kyo be tu sokwela i kikata. Kutu u kosha ku lengulula: Mwine wa mwekele mu buntunshi, wa bingishiwa mu Muspiritu, wa mwekele ku bamalaika. Wa elelwa lubila mu Bagentila. Ba mwitabila pano pantanda. Wa twelwe mwiulu mu lukumo.

—1 Timote 3:16

Bino byonso bya mwekele abi amba bya lakile Nkambo ku kanwa ka ñanga musapwishi, bi fike byo a lakile amba, Monai mushike u kemita, u ka sema mwana mwanamulume. Ba ka mu tela bu Emanuela (ko ku laka amba, Leza u di mu bukata bwetu).

—Mateo 1:22, 23

Kolose 2:9

Pantu mwi aye (Yesu Kristu)
mo mwa yula bu Leza bonso,
monka mu mubidi wandi.

Isaya 9:6

Pantu mwana wi tu semenwa,
mwana mwanamulume be tu pe-
laye: Butekakyalo bu kekala pa
mapeya andi: U ka pewa dizina
dya bu Wa ku kumya, Wa ku
dingila bantu, Leza kilobo, Ta-
ta wa nyeke, Mwanangwa wa
mutende.

1 Yoano 4:15

Ange muntu witabisha amba
Yesu i Mwana wa Leza, sanga

Leza u kelwa mwi aye ne aye u
kelwa mwi Leza.

Luka 1:35

Malaika wa mu laka amba.
Muspiritu wa Iwafyo u ka kwi-
kidila, ne bulobo bwa Mwine Mu-
kata bu ka ku kontamina. Ku
lenga awa wa Iwafyo ye u ka se-
ma u ka telwa bu Mwana wa
Leza.

Mateo 17:5

Lo a kidi ku laka, dikumbi di
toka di ba buta, ne diwi dya fuma
mu dikumbi amba, Uno i Mwana
wami mutemwe, ye na tokelwa-
mo Iwine. Mwikale ku mu teleka.

Yoano 9:5

Lo ndi pano pantanda, ndi kikela kya pano pantanda.

Yoano 8:23

Aye wi ba laka amba, Anwe mu di ba pansi, ami ndi wa mwiulu. Anwe mu di ba pano pantanda, adi ami nkidi wa pano pantanda.

Yoano 11:25

Yesu wa mu laka amba, Ami ndi lulangukilo ne mweo. Wa kwitabila mwi ami, nansha wa fwa ukekala ne mweo.

Yoano 6:35

Yesu wi ba laka amba, Ami ndi bidyo bya mweo. Wiya kwi

ami kenshi a komfwe nzala nansha panene, ne wa kwitabila mwi ami kenshi a komfwe kilaka nansha dimo.

Yoano 13:13

Ke mu ntela bu Mufundishi ne bu Nkambo, ne kine mu laka biya, mwanda byo ndi.

Yoano 10:7

Ku lenga Yesu wi ba laka ponka amba. Kine kine ne mi bula amba, Ami ndi kibelo kya mikoko.

Yoano 8:58

Yesu wi ba laka amba, Kine kine ne mi bula amba, Lo Abraham kange, ami ndipo.

Mateo 20:30 ne 34

Kwadi bampofu babidi ba shikete ku pela kwa dishinda. Pa ku teleka Yesu u pita, ka ba bidikisha amba, I tu belele lusa obe Nkambo, Mwana wa Davida.... Yesu wa umfwine lusa, wi ba tengenpa menso. Ponka apo ne menso abo a labuka, ka ba mulonda.

Mateo 14:19-21

Ebiya wa kambisha bantu ku shikata pa bisono, wa poka aya mikate itano ne masabi abidi, wa tala mwiulu, wa lombela. Ebiya wa mokaula mikate wa pela

bana ba bwanga, nabo ka baba-nya bantu. Bantu bonso ba dile, ba ikuta. Ba tolele byabo dikumi ne bibidi bya bipeso bya ku shalapo. Aba bantu ba dile ba di bu elufu itano banabalume, ku bula ku pendelako banabakashi ne banike.

Luka 5:5, 6

Adi Simona wa mu lakile amba, Mufundishi, twa ingila Iwine bufuku bonso, kenshi twa kwata nangwa kamo, ino mwa-nda i obe wa laka, leka tu teye! Lo ba teyele, ba kwete masabi mengi Iwine, a kuba ne makonde ka a keteka.

6 YESU KRISTU I SHAKAPANGA, I NKAMBO

Heberu 1:2

Leza . . . mu ano mafuku a kwipelako, wi tu lakila mu mwanana wandi, ye a lenga Leza kwikala bu mwine wa bintu byonso. I mwi aye mo a pangile dyulu ne ntanda.

Roma 14:9

E kyo Kristu a fwidile ne ku languka ke mumi, amba eka-le Nkambo wa bafu ne bomi.

Kolose 1:16

Ke pantu i mwi aye mo bya pangilwe bintu byonso bya mwiliu ne bya pano pansi, bi mweka ne bya ku bula ku mweka, nansha bilopwe bya mwiliu ne bankambo, ne bene bakata, ne ba

luhusa. Byonso bya pangilwe mwi aye, amba bikale byandi aye mwine.

Yoano 1:3

Bintu byonso bya pangilwe kwi aye, kabidi kwa ku bula aye ange ka kwa pangilwe kantu na-nsha kamo.

Midimo 2:36

Ku lenga anwe bena Israela bonso mu yuke biya amba uno Yesu ye mwa popele pa musa-labu, Leza wa mu pela bu Nkambo ne bu Kristu.

1 Korinda 1:9

Leza Mwine i wa kine, wi mīta kwikala bambo ne Mwana wandi Yesu Kristu Nkambo wetu.

Yoano 5:22

Kabidi shandi kenshi u keta myanda ya bantu, adi wa pa Mwana busushi bonso.

Roma 14:10

Adi obe i mwanda ka u fwitikisha mwanenu? Kabidi mwanda ka u sula mwanenu? Pantu atwe bonso tu kemana ku kipona kya kidye kya Leza.

2 Timote 4:1

Na ku lapisha ku menso a Leza ne a Kristu Yesu, Mwine u ka keta myanda ya bomi ne bafu. Na ku lapisha pa mwanda wa kwiya kwandi lo a ka mweka mu bulopwe bwandi.

Mateo 25:32

Bantu ba mikoka yonso ba ka bungilwa mu kyeni kyandi. Ne aye u ke ba lekanya umo na mu-kwabo, byonka bi lekanya ka-fungo mikoko ne bambushi.

Roma 2:16

Adi ku kekala lufuku lo Leza u ka sambisha bantu pa bifiswe byabo byonso, ne sushi i Yesu Kristu, monka mwaila lubila lwa ku wama lo ndi ku sapula.

Midimo 10:42

Wi tu kambisha ku sapula ku bantu ne kwi ba bula amba ye wa tongolwa kwi Leza amba eka-le sushi wa bomi ne bafu.

MUKUJI WETU I YENKA KRISTU

Yoano 10:9

Ami ndi kibelo. Ange muntu wa twelela pe ami u ka puluka, u ka twela ne ku tamba kasha a mona bya ku dya.

Yoana 14:6

Yesu wa mu laka amba, Ami ndi dishinda ne kine ne mweo. Kutu u kosha kwiya kwi Tata poso mwi ami.

Yoano 8:24

E kyo ne mi lakila amba, mu ka fwa mu bubi bwenu, pantu ange ka mwitable amba i ami aye, sanga kine mu ka fwa mu bubi bwenu.

Heberu 5:9

Kabidi pa ku pwa ku lumbuluka mu byonso, wa sangwike aye Mwine ke lupulukilo Iwa nyeke Iwa aba ba mu nakila.

Midimo 4:12

Kutupu lupulukilo mu muntu ungi, pantu ka kudi dizina dingi muno munshi mwa dikumbi dyo ba pela bantu mo tu kosha ku pulukila.

Heberu 7:25

Kyo a kosesha kwi ba pulusha kwa kine kine aba ba fwena kwi Leza mwi Aye, pantu i mumi nyeke, wi ba nyangwila kwi Leza.

Pantu Mwana wa muntu wa iya ku saka ne ku pulusha ba kweleka.

— Luka 19:10

I Leza wa lenga anwe mwikale mwi Yesu Kristu, ye a sangu-la ke mano etu ne bololoke bwe-tu ne ku shidikwa kwetu, ne bu-kuji bwetu.

— 1 Korinda 1:30

Mu santile Leza Tata wi tu lenga netu kwikala ba ku fwaninwa ku pewa bintu byo a ka pana ku bashidikwe, amwa mwa ku toka to. Wi tu pokolola ku bulobo bwa mfinshi, ne kwi tu twesha mu bulopwe bwa Mwana wandi mutemwiwe. I mwi aye mo

twa mwena bukuji ne lulekelo lwa myanda yetu.

— Kolose 1:12-14

Wipene mwanda wa atwe, a-mba e tu kule ku bibi byonso, ne kwi tu tokesh aye mwine, atwe bo a saka twikale bantu bandi, ba ku sumininwa midimo ya ku wama.

— Titusa 2:14

Ka bembe Iwimbo lupy a-mba, I yenka obe wa fwaninwa ku poka au mukanda, ne ku la-muna bupula bo ba lamikamo, pantu wa tapilwe. Wa mu kū-dila Leza na mashi obe bantu ba mikoka yonso, ne ndimi, ne ba-nantu ba byalo byonso.

— Bimwesho 5:9

10 MASHI A KRISTU O E TU PWANIKISHA NE LEZA

Efesa 1:7

I mwi aye mo tu mwena bukuji, ne lulekelo lwa myanda yetu mu mashi andi, monka mwaila bupe bwandi bukata.

1 Yoano 1:7

Adi ange twenda mu kikela byonka byo a di mu kikela aye mwine, sanga tu di mu kipwani kimo atwe bene ne bene, ne mashi a Mwana wandi Yesu e tu tokesha ku bubi bonso.

1 Petero 1:18, 19

Mwa yuka byo mwa kulwa ku aya misango ya kele ya bashakulu benu. Kenshi mwa kulwa ne bintu bi onaika, bi di mpa-

lata nansha nsahabu. Adi mwa kulwa na mashi maneme, mashi a Kristu, ko kana ka mukoko ka ku bula bulema nansha kabi.

Roma 5:9

Adi po pene dino byo twa binjishiwa mu mashi andi, tu ka puluka ku bukadi bwa Leza mawanda wa aye.

Heberu 9:14

Po pene mashi a Kristu, wilambwile mwine kwi Leza mu bulobo bwa Muspirit u wa nyeke kwa ku bula bulema, ao ke a kosha ku tokesha mitima yenu, amba mu leke midimo ya lufu, ka mwingidila Leza mumi.

1 Yoano 5:4

Wa semwa kwi Leza ye wi pa shinda pano pantanda. Lwitabilo Iwetu lo lwi pa shinda pano pantanda.

Roma 5:1

Ku lenga byo twa bingishiwa ku Iwitabilo, tu di mutende ne Leza mwi Nkambo wetu Yesu Kristu.

Efesa 2:8, 9

Pantu i bupe bo mwa pulukila pa kwitabila, kenshi i kya kwimwena anwe bene. I bupe bwa Leza. Kenshi i kya ku midimo yenu, yo. Ku lenga kutu muntu u kosha kwitota.

Galatia 5:6

Pantu mwi Kristu Yesu bwinna luonde ne ku bulwa luonde byonso i bya bitu, poso lonka Iwitabilo Iwingila midimo mu bitemwe.

Yoano 6:28, 29

Ba mu laka amba, Ki saka tube ka amba twingile midimo ya Leza? Yesu wi ba londoloka amba, Midimo i saka Leza i kwitabila mwi awa ye a tumine.

Yoano 20:31

Adi bino bya lembwa amba mwitabile amba Yesu i Kristu Mwana wa Leza, ne pa kwitabila mu mone mweo mu dizina dyandi.

Adi lusa Iwa NKAMBO i Iwa
nyeke ne nyeke ku aba ba mu
tina. Bololoke bwandi bu ka lu
nduluka ne ku bana ba bana ba
bo.

— Ñimbo 103:17

Pantu lusa lobe i lukata, Iwa
ya mwiulu ku kila ne makumbi:
ne kine kyobe kya fika ne
mwiulu.

— Ñimbo 108:4

Pantu byonka byo mwiulu
mwa lēpa na pano panshi, byo
bya baya ne lusa Iwandi ku ba
ku mu tina.

— Ñimbo 103:11

I Leza ka u di bwa obe, u le
kela ba bubi, ne ku bula ku lo
ndalonda bubi bwa bantu bandi

ba shalapo? Bukadi bwandi ke
nshi bu yayaya pantu wa temwa
ku belela bantu lusa.

— Mika 7:18

Kine lusa Iwa NKAMBO ke
nshi Iwa pwa, butemwe bwandi
kenshi bu pwa, I bupya lukelo ku
lukelo: obe u di wa ku bula kwa
luka nansha panene.

— Madilo (Mābisho) 3:22, 23

Wi tu pulwishe, kenshi mwa
nda wa bintu bya ku wama byo
twa ubile, adi mwanda wa lusa
Iwandi bitu. Twa samfishiwa pa
ku semwa dibidi, ne ku sangu
lwa bapya ku bulobo bwa Mu
spiritu wa Iwafyo.

— Titusa 3:5

Mateo 11:28

Iyai kwi ami, anwe bonso ba tukuta na midimo ne bipe bya ku nema, sanga ami nke mi pa ku tusha.

Bimwesho 22:17

Muspiritu ne mwine musongwa ba laka amba, Iya Nkambo. Wa ku teleka ino myanda a lake amba, Iya. Muntu u di ne kilaka eye, a poke mema a mweo a bupe bitu.

Isaya 55:1

He! anwe bonso ba di ne kilaka, iyai mu poke mema; nansha ba ku bula ndalama, iyai

mu pote bidyo mu dye iyai mu pote vinyu ne maziba kwa ku bula ndalama kwa ku bula ne kyo mu panako.

Yoano 7:37

Lufuku Iwa kwipelako lo Iwine lukata Iwa kidilo. Yesu wa imene wa bidikisha amba, Yense wa kilaka eye kwi ami a tome.

Isaya 1:18

NKAMBO wa laka amba, Iyai dino twiteleke: bubi bwenu nansha bwa tila, bu ka toka bwa teluji; nansha bwa tila bwa masala a nduba, bu kekala bwa boy a bwa ku toka.

14 BANTU BAMO KENSHI I BANA BA LEZA

1 Yoano 3:10

Bino byo bya ku yukilako ne bana ba Leza ne bana ba Diabola: wa ku bula kuba bya bololoke nansha wa ku fulwa mwanabo, kadi wa Leza.

Roma 8:14, 15

Pantu ba londwelwa ku Mu-spiritu wa Leza bo bana ba Leza. Pantu kenshi mwa pewa mutima wa busha, wa moyo, adi mwa pewa mutima wa bu mwana, wi tu lenga kwita Leza amba, "Abba", ko ku laka amba Tata.

Filipi 2:15

Mwikale ba ku bula bulema nansha kabi, bu bana ba Leza ba ku bula mwanda, mu bukata

bwa bantu bakondame ba ku pondoka, mo mu mweka bwa bikela pano pantanda.

2 Korinda 6:17, 18

Ku lenga monka mwa lakila mwine Nkambo, Tambai mo ba di, mwipatule, ke ku tengah kijiluke, sanga nke mi pokelela biya. Kabidi Mwine Nkambo kilobo wa laka amba, Nkekala Shenu, nenu mu kekala bana bami bana-balume ne banabakashi.

Yoano 1:12

Adi bonso ba mu pokelele wi ba pele luhusa Iwa ku sanguka bu bana ba Leza, bo aba ba kwitabila mu dizina dyandi.

Malwa abo aba ba languka lukelekelo, kwenda ku saka bitomwa bya bukadi; bekala ku toma ne bi pona kate, vinyu bi ba lenga ku kolwa. — Isaya 5:11

Ke ku tala ku vinyu lo byatila, lo bya lelema mu kitomeno, lo bi pita biya pa mukoshi. Kuntanshi bi sumana bwa nyoka, bi sumana bwa kipidi.

— Bishimikisho 23:31, 32

Wela midimo ya buntunshi ya yukanika: bukende, bubi, byonso bya nsoni, bupupankishi, bunnanga bwa lubuko, kwifulwa, lutobo, bukwa, kipile, kwiketekela, bulekanye, bwikete, lunkumbwa,

bunkolwankolwa, makayo onso a mu ku kolwa, ne byonso bya au musango. Ne mi dimuna, byonka byo ne mi dimwinine kala amba, ba kuba bintu bya au musango kenshi ba ka swane bulopwe bwa Leza. — Galatia 5:19-21

Twikale biya mwa fwaninwa bantu benda mu kate, kenshi mu biwowo ne bunkolwankolwa, kenshi mu bukende ne bintu bya nsoni, nansha mu lutobo ne bukwa. Adi fwali Nkambo Yesu Kristu, kabidi ke ku langulukilla dimo bya buntunshi mu ku saka kuba mwaila Iwinso Iwa buntunshi bwenu.

— Roma 13:13, 14

Bishimikisho 16:25

Kudi dishinda di bepesha bu-ya, adi ko di twala i ku bonaike.

Marko 10:17-22

... Obe Mufundishi wa ku wama, kamba ki saka ngube kika amba mpewe mweo wa nyeke? Yesu amba, Mwanda ka u ntela bu wa ku wama? Kutu muntu wa ku wama, poso Leza yenka. Ke wa yuka Mijilo ya Leza: Ke ku tapana. Ke ku bala bukende. Ke kwiba. Ke ku laka bya bubela. Ke ku dimbana. Nemya shobe ne inobe. Aye amba Mufundishi, abi byonso ne bi lama ku fuma ne ku bwanike. Yesu pa ku mu tala wa umfwa ku mu temwa, wa

mu laka amba, Wela wa bulwa kintu kimo. Yanga u ka poteshe byonso byo u di nabyo. Ndalama u pane ku balanda, sanga u ke-kala ne busambashi mwiulu. Kabidi pa ku pwa kuba abi, wiye u nonde. Adi aye pa ku teleka abi, kilungi kya fita, wa ya ne kafitwe, pantu wa di musamba-shi, wa di ne bintu bingi.

Mateo 22:37, 38

Yesu wa mu londoloka amba, I wa ku laka amba, U ka temwa Nkambo Leza obe ne mutima obe onso, ne mweo obe onso, ne mano obe onso. Au o mukambishilo mukata ne wantanshi.

Yakoba 1:22

Adi ke kwidimba mu ku teleka
bitu kwa ku bula kuba kyo be
mi laka.

Efesa 5:6

Ke ku leka muntu e mi dimbe
na myanda ya kele, mwanda abi
bintu bi leta bukadi bwa Leza
pa ba ku bula ku mu nakila.

1 Korinda 6:9, 10

Ka mu yukile amba babi ke-
nshi ba ka pewa bulopwe bwa
Leza? Ke kwidimba. Ba bubi ne
bapupankishi ne ba bukende ne
ba bubi bwa banabalume bene ne
bene, ne bangifi ne ba Iwinso ne
bankolwankolwa ne ba matuka

ne tupondo, kenshi ba ka pewa
bulopwe bwa Leza.

1 Yoano 3:7, 8

Anwe bana bami ke ku leka
muntu e mi dimbe. Wa kuba bi-
ntu bya ku wama i mololoke,
byonka byo Kristu mwine i mo-
loloke. Wa kwikala ku bala mya-
nda i wa Diabola, pantu Diabola
u bala myanda ku fuma ne ku
ntendekelo. Ne Mwana wa Leza
kyo a mwekele i konaula midimo
ya Diabola.

Galatia 6:3

Ange muntu wicketekela, aku i
wa bitu, sanga widimba mwine.

Roma 5:12

Ku lenga byonka byo bubi bwa ishile pano pantanda ku muntu umo, nabo bwa leta lufu, sanga lufu, lwa kumana mu bantu bonso, mwanda bonso i ba myanda.

Yakoba 1:15

Kabidi Iwinso pa kwimita lu sema bubi, bubi nabo pa ku pwa ku koma, bu sema lufu.

Ezekela 18:20

Muntu wa bala bubi ye u ka fwa. Mwana kenshi a ka twikwe bubi bwa shandi, nansha shandi kenshi a ka twikwe bubi bwa mwana. Bololoke bwa mololoke

bu kekala pe aye mwine, ne bubi bwa mubi bu kekala pe aye mwine.

Bishimikisho 11:19

Muntu wa ku sumininwa kuba bya bololoke u ya ku mweo: adi wa ku londalonda bubi u ya ku lufu.

Luka 15:32

Kya fwaninwa tube kidilo ne ku sekela, pantu uno mwanenu wa fwile, dino ke mumi. Wa eleke, dino wa mweka.

Roma 8:6

Bi languluka buntunshi i bya lufu, adi milangwe ya Muspiritu i mweo ne mutende.

Luka 7:14, 15

Ponka apo Yesu wa fika, wa
tenga pa makila padi mufu. Be-
ne ba ku mu sela ka bemene ta-
lala. Ebiya wa mu laka amba,
Obe nsongwalume, ami na ku la-
ka, Languka! Ponka apo awa
muntu mufwe wa shikata, wa
tendeka ne ku laka.

Yoano 11:43, 44

Pa ku pwa ku laka abi wa
bidikisha ne diwi dikata amba,
Lazaro! tamba. Ne kine awa wa
fwile wa tamba mukutwe mabo-
ko ne maulu na bisandi, ne pa

menso ba kutilepo kitambala.
Yesu wi ba laka amba, Mu ku-
tululei, ende.

Yoano 10:17, 18

Kyo kya ntemenwa Tata, pa-
ntu mpana mweo wami ne kwi
u poka dibidi. Ka padi wa ku
nsompolao. Ne u pana ami mwine.
Ndi ne luhusa Iwa kwi u
pana, kabidi ndi ne luhusa Iwa
kwi u poka dibidi, kyo kya nka-
mbishe Tata.

Bimwesho 1:18

Na fwile, dino ndi mumi nyeke
ne nyeke. Kabidi ndi ne mfungu-
lo ya lufu ne ya kalunganyembo.

Ku Pituluka (Mpitulukilo) 5:7-21

Obe ke kwesha kwikala ne ba-leza bangi pe ami.

Ke kwesha kwisongela nkishi, nansha kintu kingi kya ku pala kya mwiulu mwine, nansha kya munshi mwa mushidi, nansha kya mu mema munshi mwa mushidi: Ke kwesha kwi bi fukamina, nansha kwi bingidila

Ke kwesha ku tela dizina dya **NKAMBO** Leza obe kiteletele: pantu Nkambo kenshi a ka mu bingishe wa ku tela dizina dyandi kiteletele.

Languluka lufuku Iwa sabado,

wi lu lame, Iwikale Iwa Iwafyo, monka mwa ku kambishisha **NKAMBO** Leza obe. U kengila mafuku mukaka mo u kengila midimo yobe yonso

Nemya shobe ne inobe, monka mwa ku kambishisha **NKAMBO** Leza obe

Ke ku tapa.

Ke ku bala bukende.

Ke kwiba.

Ke ku bepela mukwenu bubela.

Ke ku kumbwa mukashi wa mukwenu. Ke ku kumbwa nzubo ya mukwenu, nansha budimi bwandi, nansha mwingidishi wandi mwanamulume, nansha mwingi-

dishi wandi mwanamukashi, na-nsha ñombe wandi, nansha ki-

mbulu kyandi, nansha kintu kyo-nso kya mukwenu.

KENSHI MU KOSHA

Luka 8:17

Pantu ka padi kifiswe ki ka bula ku sokoka, nansha kya mfi-so ki ka bula ku yukwa, ne ku sokolwa pa toka.

Bishimikisho 15:3

Menso a NKAMBO a di ponso bitu, a tala babi ne ba ku wama.

Yoba 34:21, 22

Pantu menso andi a tala mu ya muntu, u mona monso mo endela. Ka kudi mfinshi nansha ya ku fita bye, mo ba kosha ku fyama ba kuba bibi.

KU FYAMA KWI LEZA 21

Yeremiya 23:24

NKAMBO wa laka amba, Mu-ntu a koshe ku fyama pi pa ku-ba mfilwe ku mu mona. NKA-MBO wa laka amba, Ami ke na kumana mwiulu monso ne pa-nshi.

Nimbo 139:8 ne 12

Ange na kanda mwiulu, obe u dimo: nansha ndale mu kalunga-nyembo, obe u di monka. . . . Adi kwi obe mfinshi kenshi ya fita; bufuku bwa toka bitu na ka-te, ne mfinshi i di bwa kikela.

22 BAMBULWA LEZA BA KA MONA MALWA NYEKE

Ñimbo 9:17

Babi ba ya mu kalunganye-mbo, aba bena byalo bonso ba ku labukila Leza.

Mateo 18:8

Ange kuboko kobe nansha ku-lu ku saka ku ku ponya, wi ku keteko wi kwele. Kya ku wami-nako ku twela mu mweo bu ki-lema ku kila kwelwa mu mudilo wa pe na maboko abidi nansha maulu abidi.

Mateo 13:41, 42

Mwana wa muntu u ka tuma bamalaika bandi, ba ka fumyamo mu bulopwe bwandi bintu byo-

nso bi lenga bantu ku bala bubi, ne bonso ba kuba bibi. Ba ka poswa mu kilunga kya mudilo, mo mu kekala madilo ne ku she-nkanya meno.

2 Petero 3:7

Kabidi i konka kanwa ka Le-za ka laka dino, amba adi dyu-lu ne ntanda bi dipo lelo bya tulwa, bi pembela ku sokwa na mudilo mu lufuku lwa kidye lo ba konaula babi bonso.

Mateo 25:46

Ku lenga aba bantu ba ka ya mu malwa a pē, adi bololoke ba ka ya ku mweo wa pē.

Heberu 9:27

Bantu ba tongwelwa ku fwa dimo bitu, ebiya ku lutwe ke kidye.

1 Yoano 4:17

Pano po pa lumbulukila butemwe mwi atwe, amba kenshi twikale ne moyo mu lufuku Iwa kidye, pantu byonka byo a di aye mwine, byo tu di ne atwe pano pantanda.

Midimo 17:31

Pantu wa tongola lufuku lo a ka keta myanda ya ba pano pantanda mu bololoke. Ne mwinne u ke ba ketela myanda i yenka awa muntu ye a tongola, ye

a yukisha ku bonso pa ku mu langula mu bafu.

2 Korinda 5:10

Pantu atwe bonso bitu i kwimana ku kipona kya kidye kya Kristu, amba tu fwetwe muntu ku muntu monka mwaila byo a ubile lo a kidi mu mubidi, nansha bya di bya ku wama nansha bya ku bipa.

2 Petero 2:9

Nkambo wa yuka mwa kwi ba pokolwela mu kwesekwa bantu ba ku mu papa. Kabidi u lama babi, ku pembela lufuku Iwa kidye lo a ke ba manika.

2 Korinda 9:15

Tu mu santile Leza pa bupe bwandi bwa ku shinka ne bulaka.

Roma 5:15

Ino abwa bupe bitu kenshi bu di pamo ne abwa bubi. Ke pantu byo bengi ba fwa mwanda wa bubi bwa muntu umo, po pene abwa bupe bwa Leza bo a pana mwi muntu umo Yesu Kristu, bwa kisha ku kumana mu bengi ne ku fula.

Roma 9:16

Ku lenga kenshi i ku kiswamutima kya muntu, nansha ku bulobo bwandi yo, adi i ku lusa lwa Leza bitu.

1 Petero 5:5

Leza u kosela ba kwitumbika, adi u mwesha bupe bwandi ku ba kwikefya.

Midimo 4:33

Baluwe ba di ku sapula ne bulobo bukata byo ba mwene Nkambo Yesu lo a langwike mu bafu. Bupe bukata bwa Leza bwa di pa bonso.

2 Korinda 8:9

Pantu mwa yuka bupe bwa Nkambo wetu Yesu Kristu. Nansha wa di musambashi, wisangwile bulanda mwanda wa anwe, amba mu abwa bulanda bwandi anwe mu mwenemo busambashi.

Midimo 2:38

Petero wi ba laka amba. Lapilai anwe bonso ne ku batishiwa mu dizina dya Yesu Kristu bubi bwenu bu lekelwe, mu pewe Mu-spiritu wa Iwafyo.

Mateo 3:2

Wa di ku laka amba, Lapilai, pantu bulopwe bwa mwiulu ka bu di pepi.

2 Korinda 7:10

Leza pa ku lenga muntu ku fitwa, sanga u lapila ne ku puluka, kenshi winyengela. Adi ku fitwa kwa ba pano pantanda ku leta lufu.

Midimo 17:30

Aya myaka ya buluba mano Leza wi i sulako, dino u kambi-sha bantu ba konso amba ba la-pile.

Luka 13:3

Ami ne mi bula amba, Yo, adi ange ka mu lapile, sanga nenu mu ka fwa bonso byonka aby.

Midimo 3:19

Kanshi lapilai ne kwaluka mu mitima, bubi bwenu bu shima-naniwe, amba Mwine Nkambo e mi pe myaka ya ku wama ya mutende.

Mateo 6:14

Pantu ange mu lekela bantu myanda yabo, sanga Shenu wa mwiulu nandi u ke mi lekela nenu bibi byenu.

Ezekela 18:21

Adi ange mubi wa fuma ku bubi bwandi bo a bala, kā lama mikambishilo yami yonso, ne kuba bintu bya ku wama bya bololoke, sanga ukekala ne mweo, kenshi a ka fwe.

Isaya 55:7

Muntu mubi a leke dishinda dyandi, ne muntu wa bubi a leke milangwe yandi: a bwelele kwi

NKAMBO, u ka mu belela lusa; a bwelele kwi Leza wetu, pantu u ka mu lekela byonso bitu.

Bimwesho 3:20

Buno na imana pa kibelo ne ku pika hodi. Ange muntu wa teleka diwi dyami, wa shinkula kibi, sanga ami ntewela mo a di, tu dya nandi pamo, aye ne ami.

Midimo 5:31

Kabidi Leza wa mu sansula, wa mu tula ku kuboko kwandi kwa ludyo, wa mu pa bu kilongoshi ne bu mupulushi, amba a lenge bena Israela ku lapila, ba lekelwe bubi bwabo.

Kabidi ke kwibika mu bintu
bya mfinshi byuba bantu, bya
ku bula ne kya ku wama kyo ba
mwenamo. Ki saka kwi ba le-
ngulula.

— Efesa 5:11

Ke ku bika mitima yenu ku
bintu bya pano panshi, poso byon-
ka bya mwiulu. — Kolose 3:2

Ke ku temwa pano pantanda,
nansha bya pano pantanda. Ange
muntu wa temwa pano pantan-
da sanga kadi ku temwa Leza
Tata mu mutima wandi. Pantu
byonso bino bya pano pantanda,
Iwinso Iwa buntunshi, ne byon-
so bi kumbwa menso, ne byo-

nso bya lukumo Iwa pano panshi,
abi byonso kenshi i bya Tata, i
bya pano pantanda.

— 1 Yoano 2:15, 16

Pantu bupe bwa Leza bwa ku
pulusha bantu bonso bwa mwe-
ka. Bwi tu fundisha ku kana bu-
mbulwaleza, ne Iwinso Iwa bi-
ntu bya pano pantanda, amba
twikale ba ku tekanya, bololoke,
ba ku sumininwa mu bwina Le-
za pano pantanda.

— Titus 2:11, 12

Sambai, itokeshei; mu fumye
mu kyeni kyami aby a bibi byo
muba; Iekai kuba bubi.

— Isaya 1:16

Ezekela 36:26

Nke mi pa mutima mupya, ne katimatima kypy a nke ka bikamo: ne awa mutima wa dibwe nka fumyamo, ne ku bikamo mutima munake.

1 Yoano 2:29

Byo mwa yuka amba Leza i mololoke, sanga mu yuke amba ba kuba bya bololoke bo ba semwa kwi aye.

Yoano 3:3

Yesu wa londoloka amba, Kine, kine, na ku bula, ange muntu ka semenwe dibidi, kenshi a koshe ku mona bulopwe bwa Leza.

2 Korinda 5:17

Ku lenga ange muntu u di mwi Kristu sanga wa pangwa kipy a. Bya kala bya pita, dino ke bipya.

1 Petero 1:23

Pantu mwa semwa dibidi ku myanda ya Leza, myanda myumi ya nyeke, kenshi ku lubuto lwa ku bola, adi i lwa ku bula ku bola.

1 Yoano 5:18

Twa yuka amba muntu wa semwa kwi Leza kenshi u bala bubi, mwanda wa semwa kwi Leza wilama, ne awa mubi kenshi a koshe ku mu tenga.

MWI KRISTU**Galatia 5:24**

Bantu ba Kristu Yesu ba pwa ku popa pa musalabu buntunshi bwabo, ne Iwinso Iwabo, ne byonso byo bu saila.

Efesa 2:1 ne 6

Ne anwe mwa di bafu mu bumbalamyanda ne bubi bwenu . . . Wi tu langwile pamo ne aye, ne kwi tu shikatisha mwiulu mwi Kristu Yesu.

1 Petero 2:24

Aye mwine wa selele bubi bwe-tu mu mubidi wandi pa ku fwa ku akya kit, amba tu leke bubi

na atwe ba fwa kala, tu londe byonka bya bololoke. Anwe mwa undapwa mwanda wa bipumo byo a puminwe.

Roma 6:2 ne 11

Atwe ba fwile ku bubi tu sa kwikadidilamo byepi? Byonka abi, mwilangulukile bwa bafwe ku bubi, adi bwa bomi kwi Leza mwi Kristu Yesu.

Kolose 3:1

Ku lenga byo mwa langulwa pamo ne Kristu, mu sake bintu bya mwiulu mu di Kristu, mo a shikata ku ludyo lwa Leza.

MWEO WA NYEKE

Pantu u byala mu buntunshi bwandi, sanga mu buntunshi bwandi u kangulamo bya ku bola; adi u byala mu Muspiritu u kangula mweo wa nyeke mu Muspiritu.

— Galatia 6:8

Kabidi byonka bya imike Mosa nyoka muntanda mututupu, byo bi kemikwa ne Mwana wa muntu, amba yense wa kwitabila mwi aye, ekale ne mweo wa nyeke.

— Yoano 3:14, 15

Mweo wa nyeke i ku ku yuka obe Leza yenka umo wa kine, ne Yesu Kristu ye wa tumine.

— Yoano 17:3

Wa kwitabila mu Mwana u di ne mweo wa nyeke. Wa ku bu la ku nakila Mwana kenshi a ka mone mweo, adi bukadi bwa Leza bu di pa mutwe wandi.

— Yoano 3:36

Pantu mfweto ya bubi i lufu, adi bupe bwa Leza i mweo wa nyeke o a pana mwi Yesu Kristu Nkambo wetu.

— Roma 6:23

Kine kine ne mi bula amba, Wa teleka mwanda wami ne ku mwitabila wa ntumine, u di ne mweo wa nyeke. Kabidi kenshi a ka twele mu kidye, adi wa fuma mu lufu, wa twela mu mweo.

— Yoano 5:24

Isaya 32:17

Midimo ya bololoke i ka leta mutende; ne bololoke bu ka lenga mutende talala ne lukete-kelo nyuke.

Galatia 4:6

Ne byo mu di bana, Leza wa tuma Muspiritu wa Mwana wandi mu mitima yetu, ye wi tu lenga kwita Leza amba, Abba, ko ku laka amba Tata.

1 Yoano 3:18, 19

Anwe bana bami, butemwe bwetu kenshi bwikale bwa pa kanwa bitu, bwa ludimi, adi bwikale bwa kine, bwa ku mweka mu byubilo byetu. Po tu ka yu-

kila byo tu di ba kine, ne mitima yetu kenshi i ke tu shinina kwi Leza.

Muspiritu wi tu bula, ne mitima yetu itabisha, amba kine tu di bana ba Leza. — Roma 8:16

Kino kyo twa yukilako amba tu kelwa mwi aye, ne aye mwi atwe, mwanda wi tu pela Muspiritu wandi. — 1 Yoano 4:13

U di ne mikambishilo yami ne kwi i lama ye wa ntemwa, ne wa ntemwa u ka temwiwa kwi Tata, ne ami nka mu temwa, ne kwisokola ami mwine kwi aye.

—Yoano 14:21

32 KRISTU U LETA LUSEKELO MU MUTIMA

Yoano 17:13

Dino ke ngiya ko u di. Nda-ka bino bintu pano pantanda amba lusekelo Iwami lu baye mu mitima yabo.

Roma 14:17

Pantu kishinte kya bulopwe bwa Leza kenshi i ku dya ne ku toma, adi i bololoke ne mutende ne lusekelo mu Muspiritu wa Iwafyo.

Galatia 2:20

Na pwa ku popwa pamo ne Kristu pa musalabu. Ku lenga kenshi ami mwine ngikala bumi dino. Uno mweo o ndi nao, i Kristu u di munda mwami. Ku lenga dino pa kwikala pano pa-

ntanda, ngikala kasha ndi ne Iwitabilo mu Mwana wa Leza, wa ntemenwe ne kwipana Mwine mwanda wa ami.

Isaya 12:3

Ku lenga mu ka ya ne lusekelo ku ka teka mema mu nsulo ya mema a lupulukilo.

Nimbo 16:11

Wa ngyukisha dishinda dya mweo: mu kyeni kyobe mudi lusekelo lukata; ku ludyo kobe ku-di lusekelo lwa nyeke.

Yoano 15:11

Ne mi laka bino bintu amba lusekelo Iwami Iwikale mwi anwe, ne lusekelo Iwenu lu fule.

Bimwesho 22:14

Ba ku kansa bisandi byabo i ba
dyese, bo ba di ne luhusa lwa ku
dya ku kiti kya mweo, ne ku twe-
lela pa bibelo bya mushi.

Ku Pituluka (Mpitulukilo) 11:26-28

Monai, lelo na bika ku meno
enu dyese ne mafinge; I dyese,
ange mu nakila mikambishilo a
NKAMBO Leza wenu, yo ne mi
kambisha lelo: I mafinge, ange
kenshi mu nakila mikambishilo
ya **NKAMBO** Leza wenu.

Ne anwe ba manama u ke mi
pa butusho pamo ne atwe, lo
Nkambo Yesu a ka mweka ku

fuma mwiulu ne bamalaika bandi
ba bulobo. U ka mweka mu lu-
bebe lwa mudilo. U ke ba mwe-
sha malwa ba ku bula ku yuka
Leza, ba ku bula ku nakila mya-
nda ya ku wama ya Yesu **Nka-
mbo** wetu. Ba ka mweshiwa ma-
lwa a bonaike bwa nyeke, ba ka
pangwa mu kyeni kya **Nkambo**,
ne ku lukumo lwa bulobo bwa-
ndi.

— 2 Tesalonika 1:7-9

Ka mu yukile amba, ange mwi-
teka ku muntu bu basha, sanga
mu mu nakila bu basha bandi.
Ange i bubi bo mu nakila, sanga
i lufu, ange i **Nkambo** ye mu na-
kila, sanga mu kekala bololoke.

— Roma 6:16

Filipi 2:11

Ne tunwa tonso tu ka tota Yesu Kristu bu Nkambo, ne ku kumusha Leza Tata.

Mateo 10:32, 33

Muntu wa ku ndakila ku menso a bantu, nami nka mu lakila ku menso a Tata u di mwiulu. Adi yense wa ku nkana ku menso a bantu, nami nka mu kana ku menso a Tata u di mwiulu.

Roma 10:9, 10

Pantu ange wa laka ku kanwa kobe amba Yesu i Nkambo, ne kwitabila mu mutima obe amba Leza wa mu langwile mu bafu,

sanga wa puluka. Pantu i pa kwitabila mu mutima po muntu a mona bololoke, ne pa ku laka ne kanwa kandi amba, Na itabila, sanga u puluka.

1 Yoano 2:23

Wa ku kana Mwana u kana ne Leza Shandi. Wa kwitabila mu Mwana wa itabila ne mwi Shandi.

Luka 9:26

Pantu ange muntu wa ñumfwina nsoni ami, nansha myanda yami, Mwana wa muntu nandi u ka mumfwina nsoni lo a keya mu lukumo Iwandi, ne Iwa Shandi, ne Iwa bamalaika ba Iwafyo.

2 Tesalonika 2:9

Awa kapondo u keya mu lu-husa lwa Satana. U koba biyukidisho bya bulobo, ne bya ku kumya bya bubela.

1 Petero 5:8

Tekanyai ne ku dimuka. Diabola, mulwani wenu, wenda u shokoloka bwa ntambo u buluma, u saka ba ku dya.

Mateo 4:1 ne 10, 11

Ponka apo Muspiritu wa twala Yesu muntanda mututupu ku kesekwa kwi Diabola. . . . Adi Yesu wa mu laka amba, Obe Satana, mfumine apa, ke kya lembwa amba, U kekala ku popwela yenka Nkambo Leza obe ne ku

mwingidila yenka aye. Ebiya Diabola wa mu shiya, ponka apo bamalaika ba iya ke ba mu kwasha.

Efesa 6:11

Fwalai byela byonso bya bu-lwi bya Leza, amba mu koshe kwimana pa ku lwa ne Diabola wa bukengeshi bukata.

Midimo 26:18

U ke ba butula menso, u ke ba fumya mu mfinshi amba ba mone kikela. Kabidi u ke ba fumya mu bulobo bwa Satana, kwi ba leta kwi Leza. Kabidi pa ku ngitabila ba ka lekelwa bubi bwabo, ne ku shukila bintu byo ba pewa bonso ba ku shidikwa.

Ebiya awa kapondo u ka sokoka, adi Nkambo Yesu u ka mu tapa ne ku monaula ku mupuya wa mu kanwa kandi, lo a ka mweka Mwine mu lukumo Iwandi.

— 2 Tesalonika 2:8

Ku lenga nakilai Leza, adi Santana mu mu kosele, sanga u ka nyema, u ka fuma ko mu di. Fwenai kwi Leza, nandi u ka fwena ko mu di.

—Yakoba 4:7, 8

I ani u ke tu lekanya ku butemwe bwa Kristu? Kamba i lumanamo, nansha mikokolo, nansha lupangopango, nansha kipowe, nansha bwamba, nansha

lufu, nansha lupanga? . . . Mu bino byonso twa shinda ku kila ne mu ku shinda, mwanda wa mwinne wi tu temwa.

—Roma 8:35 ne 37

Wa kwikala ku bala myanda i wa Diabola, pantu Diabola u bala myanda ku fuma ne ku ntedekelo. Ne Mwana wa Leza kyo a mwekele i konaula midimo ya Diabola.

— 1 Yoano 3:8

Bana byo ba di na mubidi wa mashi, sanga Yesu nandi wa pokole mubidi wa mashi, amba aye pa ku fwa onaule Diabola, mwinne wa luhusa Iwa lufu.

—Heberu 2:14

1 Yoano 4:20

Ange muntu u laka amba, Na temwa Leza,aku kasha a fulwa mwanabo, sanga i wa bubela. Wa ku bula ku temwa mwanabo ye a mona, a koshe bye ku temwa Leza ye ka mwene?

Galatia 5:22, 23

Adi bipangwa bya Muspiritu i butemwe, lusekelo, mutende, ku teka mutima, lusa, mutima wa ku wama, bu muntu wa kishinka, bu kokekoke, ku tekanya pa byonso.

1 Korinda 13:1

Nansha ngyuke ku laka milako yonso ya bantu ne ya bama-

laika, ange nkidi na butemwe, sanga ndi bitu bwa minsenkele yo ba disha, nansha minsakai yo ba sekensha.

Yoano 21:16

Wa mu laka ne dibidi amba, Simona mwana wa Yoano, wa ntemwa ani? Aye amba, E, Nkambo, wa yuka byo na ku temwa. Yesu wa mu laka amba, Wikale ku swaka mikoko yami.

1 Yoano 3:14

Twa yuka amba twa fuma mu lufu ka tu di mu mweo, mwanda twa temwa bamwanetu. Wa ku bula butemwe u kidi mu lufu.

Wa penwe ku tapwa pa myanda yetu, ne ku langulwa amba tu bingishiwe. — Roma 4:25

Yesu lo a langwike mu bafu lufuku lutanshi Iwa lumingu lukekeloko, kitanshi wa mwekele Maria mwina Magdala ye a fumishemo bibanda musamfu.

— Marko 16:9

Ne atwe twi bamboni, twa mwene byonso byo a ubile mu ntanda ya Bayuda ne mu Yerusalem. Ku pela ba mwikeye, ba mu popela pa musalabu. I Leza wa mu langwile lufuku Iwa busatu, ne ku mu mwesha ku bantu, ino kenshi ku bonso, i kwi yenka

atwe bamboni ba tongwelwe kala kwi Leza. Atwe bano twa dile nandi ne ku toma, lo a langwike mu bafu. — Midimo 10:39-41

Mafuku munane ku pita bana ba bwanga ba di mu nzubo ponka, ne Tomasi wa di nabo. Yesu wa ishile, bibelo kasha bya shinkwa. Wa imana mu bukata wa laka amba, Mutende wikale nenu. Ebiya wa laka Tomasi amba, Leta munwe obe kuno. Tala maboko ami. Leta kuboko kobe u tweshe mu mbafu yami. Ke kwikala na milengulwilo, itabila. Tomasi wa mu laka amba, Nkambo wami, Leza wami.

— Yoano 20:26-28

Yoano 5:25 ne 28, 29

Kine kine ne mi bula amba, Nshita i ka fika ne dino ya fika kala, lo bafu ba ka teleka diwi dya Mwana wa Leza, ne ba kwi di teleka ba ka mona mweo. . . . Ke ku kumya kino kintu, pantu nshita i ka fika yo bonso ba di mu mashimbwe, pa ku teleka diwi dyandi, ba ka tambamo. Ba ubile bya ku wama ba ka langukila ku mweo, ne ba ubile bibi ba ka langukila ku kidye.

Roma 6:3-5

Ka mu yukile amba atwe bonso ba batishiwe mwi Kristu Yesu, i mu lufu Iwandi mo twa batishiwe? Pa ku batishiwa, twa

shikilwe nandi pamo, mu lufu Iwandi, amba byonka byo Kristu a langwilwe mu bafu mu lukumo Iwa Leza Tata, netu twendele monka mu mweo mupya. Pantu byo twa sambakanika nandi pamo mu kipalanisho kya lufu Iwandi, sanga mu lulangukilo Iwandi namo i pamo.

Mateo 16:21

Ku fuma aya nshita Yesu wa tendeke kwi ba lumbulwila bana bandi ba bwanga amba, Ki saka ngye ku Yerusalem, nka manikwe Iwine ku bakulumpe ne bañanga bakata ne bafundishi ba Mijilo, kabidi ba ka ntapa, ino lufuku Iwa busatu nka langulwa.

1 Petero 1:15

Adi Mwine wa kwi mīta byo
a di wa Iwafyo, nenu mwikale
ba kwishidika mu mikadilo yenu
yonso.

Luka 1:74, 75

Wa lapile amba, Nke mi pokolola ku maboko a balwani benu. Amba mwikale ku ñingidila kwa ku bula moyo, mafuku onso a mweo wenu. Kabidi amba, mwikale ba Iwafyo, bololoke, ku menso ami.

2 Timote 2:21

Ange muntu witokesha ku bintu byonso bya ku bipa, winge-kala bwa kibeya kya buneme,

kya ku shidikwa, kya ku ketekelwa ku mwine wa nzubo, kya ku fwanina kwingila midimo ya ku wama.

1 Petero 1:2

Anwe batongolwe ba Leza Tata bo a yukile dimo, bo a tongwele amba mu shidikwe ku Muspiritu, mu nakile Yesu Kristu, mu sankilwe mashi andi. Mu mone bwingi bwa bupe ne mutende.

2 Korinda 7:1

Anwe batemwe, byo be tu laka abi, sanga twitokeshe ku byonso bi jilula mubidi ne mutima, ne kwishidika biya mu byonso mwendwa wa ku tina Leza.

1 Yoano 1:9

Ange twa sokola bubi bwetu atwe bene, aye i wa kine, i mololoke, wi tu lekela bubi bwetu, ne kwi tu samfya ku bubi bonso.

Isaya 35:8

Mu kekala musebo mukata. Adya dishinda di ka telwa bu Dishinda dya ba kwishidika; mu-jiluke kenshi a ka pitemo; poso bonka abo: bapiteshinda, nansha i ba ku bula mano, kenshi ba ka lubilemo.

Mateo 3:11

Ami kine ne mi batisha mu mema bu kiyukidisho kya lulapilo, adi ao wiya kunyuma

kwami wa nkila bulobo. Ami nki fwaninwe nansha ku sela bikwabilo byandi. Aye u ke mi batisha mu Muspiritu wa Iwafyo ne mudilo.

Heberu 13:12

Yesu nandi kyo a manamine pantanda pa mushi amba a koshe kwi ba shidika bantu na mashi andi aye mwine.

Efesa 1:4

Leza wi tu tongwele mwi aye lo ntanda ka yange ku pangwa, amba twikale ba Iwafyo ba ku bula nansha kabulema ku menso andi monka mu butemwe.

Luka 11:13

Anwe babi byo mwa yuka ku pela bana benu bintu bya ku wama, i byepi Tata wa mwiulu, kenshi a kilepo mu ku pana Muspiritu wa Iwafyo ku ba ku mu lomba?

Midimo 1:8

Adi mu ka pewa bulobo, lu ke mi fikila Muspiritu wa Iwafyo. Ebiya mu kekala bamboni ba ku sapula myanda yami.

Roma 8:9

Adi anwe ka mu di mu buntunshi, mu di mu Muspiritu, ange kine Muspiritu wa Leza wikala munda mwenu. Adi ange muntu

kadi ne Muspiritu wa Kristu, sanga kadi muntu wa Kristu, yo.

Midimo 13:52

Adi bana ba bwanga ba yudilwe ne lusekelo ne Muspiritu wa Iwafyo.

Midimo 4:31

Lo ba pwile ku lombela, nzubo yo ba pwidilemo ya tentele. Bonso ba yudilwe ne Muspiritu wa Iwafyo, ka ba lake mwanda wa Leza ne bulobo.

Ezekela 36:27

Kabidi nka bikamo muspiritu wami wa kwi mi fundisha mwaila mijilo yami. Anwe mu ka lama mikambishilo yami, ne kwi i uba.

Nimbo 37:3

Ketekelai mwi **NKAMBO**, ne kuba bya ku wama; ikalai mu ntanda yenu, kasha mu saka bya kine.

Nimbo 34:18

NKAMBO u di pepi ne mutima mutimuke; u pulusha ba mutima wa ku fitwa pa bubi bwabo.

Bimwesho 21:4

Leza u ke ba shimuna mipolo mu menso abo. Kenshi ku ke-kale lufu ponka, nansha madilo. Misowa ne misongo yonso ke kutupu, pantu bintu byonso bya kala bya pita.

Isaya 66:2

NKAMBO wa laka amba, Pantu abi bintu byonso i kuboko kwami kwi bi pangile, byo byonka abi byo bya pangilwe abi bintu byonso. Adi ami, muntu ye ntalako i uno, awa mulanda, wa mutima mulapile, u tutuma pa kumfwa mwanda wami.

1 Petero 4:12, 13

Anwe batemwe, ke ku kumya awa mudilo wa kwi mi eseka, bwa kintu kipyia ki mi fikila. Adi sekelai byo mu manama pamo ne Kristu, mwanda lo a ka mweka mu lukumo, nenu mu ka mona lusekelo lukata.

Nimbo 34:19

Mololoke u di ne mikokolo mungi: adi NKAMBO u mu pokolola mu aya mikokolo yonso.

Roma 8:28

Adi twa yuka amba bintu byonso bingila pamo, ku kwasha ba temwa Leza, aba ba itwa mwaila mutima wandi.

Yakoba 1:12

Muntu u lumbuluka mu mikoko i wa dyese, pantu mikokolo pa ku pwa u ka pewa kitebo kya mweo, kyo a laya Leza ku pela ba ku mu temwa.

1 Korinda 10:13

Kwesekwa kwenu i pamo ne bantu bonso, adi Leza i wa kishi-

nka. Kenshi e mi leke mwesekwe ku kila bulobo bwenu, adi pa kwesekwa u ke mi pa bulobo bwa kwimana ne ku shinda.

Heberu 2:18

Pantu byo a esekwe mu ku manama, u kosha ku kwasha bonso ba esekwa.

Roma 16:20

Leza wa mutende wa ya e mi nyantishe Satana bino bino, ne ku mu sansaula.

Isaya 43:2

Lo u pita mu mema, nkekala nobe; lo wabuka mikola, kenshi i ka ku bunshe: lo u pita mu mudilo, kenshi u ka pye; nansha lubeve kenshi lu ka ku soke.

Bimwesho 2:7

Wa matwi a teleke bi laka Mu-spiritu ku bipwilo. Wa ku shinda nka mu pa luhusa Iwa ku dya ku kitiki kya mweo ki di mu budimi bwa Leza.

Bimwesho 3:5

Wa ku shinda u ka fwikwa bisandi bitoka. Ami kenshi nka shimañanye dizina dyandi mu dibuku dya mweo, adi nka mu tela ku menso a Tata ne a bamalai-ka bandi.

Bimwesho 3:12

Wa ku shinda nka mu lenga kwikalabu dipanda mu nzubo ya Leza wami. Kenshi u ka ta-

mbamo ponka nansha panene. Pa mubidi wandi nka lembapo dizina dya Leza wami ne dya mushi wa Leza wami, Yerusalemamupya, u kekila ku fuma mwilu kwi Leza wami. Kabidi nka lembapo ne dizina dyami dipya.

Bimwesho 3:21

Wa ku shinda nka mu pa luhusa Iwa ku shikata nami pa kipona kyami, byonka byo na ubile ami. Na shindile, dino na shikata ne Tata pa kipona kyandi.

Bimwesho 21:7

Wa ku shinda u ka pewa bino bintu. Nkekala Leza wandi, nandi u kekala ke mwana wami.

1 Korinda 7:10, 11

Ba mu kyupo abo ne ba kambisha, wela kenshi i ami, i Nkambo mwine: mwanamukashi ke ku lekana na mulume. Ange ba lekana, sanga ekale bitu bushike. Ange yo, sanga a bwelele ku mulume wandi. Mwanamulume nandi i mujilo ku kana mukashi.

Roma 7:2, 3

Mwaila mijilo, mwanamukashi u di mu luhusa lwa mulume lo a kidi mumi. Adi ange mulume wa fwa, sanga wa fungulwa, ka kidi mu luhusa lwandi. Ku lenga ange a songolwe ku ungi lo mulume wandi u kidi mumi, u ka

telwa bu wa bukende. Adi ange mulume wa fwa, sanga wa fungulwa.

Luka 16:18

Yense u panga mukashi, wa songola ungi, sanga wa bala bukende. Kabidi ne wa songola ye ba kana ku mulume, sanga nandi wa bala bukende.

Mateo 5:32

Adi ami ne mi bula amba, Yense muntu wa ku panga mukashi wandi ange kenshi pa mwanda wa bukende, sanga wa mu lengesha ku bala bukende. Kabidi muntu wa ku songola mulubulwe, nandi wa bala bukende.

Yoano 14:3

Ngya kwi mi lungikila kifulo. Ange nka pwe kwi mi lungikila kifulo, nkeya ponka ne kwi mi twala ami mwine, amba ko ndi ami, nenu mwikale konka.

Bimwesho 3:11

Abo ngiya bino bino bitu. Kwatisha kyo u di nakyo, ku tina ba ka ku pokolola kitebo kyo-be kya bu kashinde.

Marko 8:38

Ange muntu wa umfwa nsoni mwanda wa ami ne pa myanda yami, mu bano bantu babi ba bukende, sanga Mwana wa muntu

nandi u komfwa nsoni pe awa muntu, lo a keya pamo ne bamaika ba Iwafyo mu lukumo Iwa Shandi.

Mateo 24:30

Ebiya ke kiyukidisho kya Mwana wa muntu ki ka mweka mwiulu. Mikoka yonso ya pano pantanda i ka dila, kabidi ba ka mu mona Mwana wa muntu wiya pa makumbi a mwiulu, ne bulobo ne lukumo lukata.

Mateo 24:27

Pantu Mwana wa muntu u keya bwa kipeni kya beka kwabukanya mwiulu, ku fuma ku kabanga ku fika ne ku mbonshi.

Luka 12:40

Ku lenga tengelai, pantu Mwana wa muntu u keya pa nshita yo ka mu ketekete.

1 Yoano 3:2

Batemwe, tu di bana ba Leza kala. Nansha ka kyange ku yukanika byo tu kekala, twa yuka amba lo a ka mweka tu ka mu pala, mwanda tu ka mu mona byo a di.

Bimwesho 16:15

Abo ngiya bwa ngifi. Wa shuka awa u tengela ne ku lama biya bisandi byandi, ku tina amba wa kenda bwamba, ne nsoni yandi ya ka mweka.

Mateo 16:27

Pantu Mwana wa muntu wiya ne bamalaika bandi mu lukumo lwa Shandi. Pa kwiya u ka fweta muntu yense mwaila byubilo byandi.

Midimo 1:11

Be ba laka amba, Anwe bena Galilea, mwanda ka mwa imana abi, mu tala mwiulu? Awa Yesu wa twalwa mwiulu ku fuma ko mu di, u ka bwela mu musango umo onka o mwa mu mwenamo pa ku ya mwiulu.

Luka 21:27

Ebiya ba ka mona Mwana wa muntu wiya mu dikumbi, ne bulobo ne lukumo lukata.

MYANDA YA LEZA

Luka 21:33

Dyulu ne ntanda bi ka pita, adi myanda yami kenshi i ka pite nansha panene.

Mateo 22:29

Yesu wi ba lakile amba, Mwa luba, pantu ka mu yukile bya lembwa, nansha bulobo bwa Leza.

2 Petero 1:21

Pantu kutu ñanga musapwishi wa lakile ku luhusa lwandi mwine, adi bantu ba lakile myanda i ba pele Leza Mwine, monka mwi ba twele Muspiritu wa Iwafyo mu bulobo bwandi.

Ñimbo 119:105

Mwanda õbe i lampi wa maulu ami, i kikela kya ku ãunikila dishinda.

2 Timote 3:16

Myanda yonso ya mu Mukanda wa Leza ya lembelwe ku Muspiritu wa Leza. I di ne bulobo bwa fundisha bantu, ne kwi ba lengulula, ne kwi ba dingila ne kwi ba kwasha, ba yuke mwa kwikadila bololoke.

Ñimbo 119:11

Myanda yobe ne i tula biya mu mutima wami, ku tina na ka bala bubi kwi obe.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org